

春天的花诗句

1.
经冬种牡丹，明年待看花。春条始秀出，蠹已病其芽。柯枯叶亦落，重寻但空槎。朱栏犹照耀，所待已泥沙。本不固其根，今朝漫咨嗟。——曾巩《种牡丹》
2.
见杨柳飞绵滚滚，对桃花醉脸醺醺。——王实甫《十二月过尧民歌·别情》
3.
一要红桃桠拂池，竹遮松荫晚开时。非因斜日无由见，不是闲人岂得知？寒地生材遗较易，贫家养女嫁常迟。春深欲落谁怜惜，白侍郎来折一枝。——白居易《晚桃花》
4.
树头树底觅残红，一片西飞一片东。自是桃花贪结子，错教人恨五更风。——王建《宫词》
- 5.竹外桃花两三枝，春江水暖鸭先知。——苏轼《惠崇春江晚景》
6.
十日春风隔翠岑，祇应繁朵自成阴。樽前可要人颓玉，树底遥知地侧金。花界三千春渺渺，铜槃十二夜沈沈。雕槃分簞何由得，空作西州拥鼻吟。——胡宿《忆薦福寺牡丹》
7.
万叶红绡翦尽春，丹青任写不如真。风光九十无多日，维惜尊前折赠人。——卢士衡《题牡丹》

8.手植红桃千树发，满山无主任春风。——刘禹锡《伤桃源薛道士》

9.
朔风吹散三更雪，倩魂犹恋桃花月。——纳兰性德《菩萨蛮朔风吹散三更雪》

10.
窗外晴山竹半遮，竹根流水细鸣沙。小园寂寞春无赖，蝴蝶飞来绕菜花。
——释显万《春日》

11.
樱花明媚陇川西，草色如茵一抹齐。最好风光无限处，泉声不断五云溪。
——张汉英《陇川》

12.
十日樱花作意开，绕花岂惜日千回？昨来风雨偏相厄，谁向人天诉此哀？
——苏曼殊《樱花落》

13.
江东遗迹在钱塘，手植庭花满院香，若是当年居显位，海棠今日是甘棠。
——王禹偁《题钱塘县罗江东手植海棠》

14.东厢月，一天风露，杏花如雪。——范成大《忆秦娥》

15.樱花才脸笑，柳眼正舒眉。——朱元璋《善世禅师游方归朝》

16.
长安豪贵惜春残，争赏先开紫牡丹。别有玉杯承露冷，无有起就月中看。
——裴潏《白牡丹》

17.
昔年曾到洛城中，玉碗金盘深浅红。行上荆溪溪畔寺，愧将白发对东风。
——沈辽《奉陪颖叔赋钦院牡丹》

18.

雨过横塘水满堤，乱山高下路东西。一番桃李花开尽，惟有青青草色齐。
——曾巩《城南·雨过横塘水满堤》

19.

昔年曾作五陵游，子夜歌清月满楼。银烛树前长似昼，露桃花里不知秋。
西园公子名无忌，南国佳人号莫愁。今日乱离俱是梦，夕阳唯见水东流！
——韦庄《忆昔》

20.伊川桃李正芳新，寒食山中酒复春。——宋之问《寒食还陆浑别业》

21.

问余何意栖碧山，笑而不答心自闲。桃花流水杳然去，别有天地非人间。
——李白《山中问答》

22.桃花细逐杨花落，黄鸟时兼白鸟飞。——杜甫《曲江对酒》

23.

白面谁家郎，青骊照地光。桃花开绶色，苏合借衣香。暮雪连峰近，春江海市长。
风流似张绪，别后见垂杨。——韩翃《送张渚赴越州》

24.清明桑叶小，度雨杏花稀。——李嘉祐《春日淇上作》

25.

朱鬣饰金镮，红妆束素腰。似云来躞蹀，如雪去飘飘。桃花含浅汗，柳叶带馀娇。
骋光将独立，双绝不俱标。——法宣《爱妾换马》

26.两岸桃花烘日出，四围高柳到天垂。——姜夔《浣溪沙》

27.去年今日此门中，人面桃花相映红。——崔护《题都城南庄》

28.桃花流水须长信，不学刘郎去又来。——李建勋《南唐近事》

29.

游子春衫已试单，桃花飞尽野梅酸。怪来一夜蛙声歇，又作东风十日寒。
。——吴涛《绝句》

30.

童稚情亲四十年，中间消息两茫然。更为后会知何地，忽漫相逢是别筵。
。不分桃花红胜锦，生憎柳絮白于绵。剑南春色还无赖，触忤愁人到酒边。
。——杜甫《送路六侍御入朝》

31.

轲车骆马往从谁，梦浦兰台日更迟。欲识桃花最多处，前程问取武陵儿。
。——独孤及《送别荆南张判官》

32.

千朵稼芳倚槛斜，一枝枝缀乱云霞。凭君莫厌临风看，占断春光是此花。
。——向敏中《桃花》

33.

丹砂漆盘盛井水，冷浸半坼山樱花。始见春色不奈喜，黄昏招饮夜还家。
。刘郎居南我居北，陌上泥开天正黑。风吹蜡烛烧未明，素丝作履惜不得。
。——梅尧臣《夜与原甫江家步归》

34.

雁门禅客吟春亭，牡丹独逞花中英。双成腻脸偎云屏，百般姿态因风生。
。延年不敢歌倾城，朝云暮雨愁娉婷。蕊繁蚁脚粘不行，甜迷蜂醉飞无声。
。卢山根脚含精灵，发妍吐秀丛君庭。湓江太守多闲情，栏朱绕绛留轻盈。
。潺潺绿醴当风倾，平头奴子啣银笙。红葩艳艳交童星，左文右武怜君荣。
。——李咸用《远公亭牡丹》

35.

豆蔻枝头莫漫夸，春风十里旧繁华。金楼玉蕊皆殊艳，别有倾城第一花。
。青雀舫，紫云车，暗期归路指烟霞。无端却似堂前燕，飞入寻常百姓家。
。——贺铸《第一花》

36.

担上牡丹犹许见，城中浑不识莺声。——方回《今春苦雨初有春半曾无十日晴之句去立夏无几·今年草草过清明》

37.桃花仙人种桃树，又摘桃花换酒钱。——唐寅《桃花庵歌》

38.天红过眼随荣谢，菊秀兰香自占春。——王汝舟《咏归堂隐鳞洞》

39.

断肠东风落牡丹，为祥为瑞久留难。青春不驻堪垂泪，红艳已空犹倚栏。积藓下销香蕊尽，晴阳高照露华干。明年万叶千枝长，倍发芳菲借客看。——徐夔《郡庭惜牡丹》

40.

樱桃花，一枝两枝千万朵。花砖曾立摘花人，窣破罗裙红似火。——元稹《樱桃花》

41.

蕲水城西向北看，桃花落尽柳花残。朱旗半卷山川小，白马连嘶草树寒。——戴叔伦《蕲州行营作》

42.

桃花樱花红雨零，桑钱榆钱划色青。昌条脉脉暖烟路，膏壤辉辉寒食汀。——王洋《题山庵》

43.

庭院深深深几许，云窗雾阁春迟。为谁憔悴损芳姿。夜来清梦好，应是发南枝。玉瘦檀轻无限恨，南楼羌管休吹。浓香吹尽有谁知。暖风迟日也，别到杏花肥。——李清照《临江仙·梅》

44.

骏马绣障泥，红尘扑四蹄。归时何太晚，日照杏花西。——韩翃《汉宫曲二首》

45.

寄花寄酒喜新开，左把花枝右把杯。欲问花枝与杯酒，故人何得不同来。
。——司空图《故乡杏花》

46.

弹琴石壁上，翻翻一仙人。手持白鸾尾，夜扫南山云。鹿饮寒涧下，鱼归清海滨。当时汉武帝，书报桃花春。——李贺《仙人》

47.

肠断春江欲尽头，杖立徐步立芳洲。癫狂柳絮随风去，轻薄桃花逐水流。
。——杜甫《绝句漫兴》

48.

一双燕子语帘前，病客无憀尽日眠。开遍杏花人不见，满庭轻雨绿如烟。
。——王雱《绝句》

49.

恻恻轻寒剪剪风，小梅飘雪杏花红。夜深斜搭秋千索，楼阁朦胧烟雨中。
。——韩偓《夜深》

50.

栽培终得近天家，独有芳名出众花。香遽暖风飘御座，叶笼轻霭衬明霞。
。纵吟宜把红残鹭，留赏惟将翠幄遮。深觉侍臣千载幸，许随仙杖看秣华。
。——寇准《奉圣旨赋牡丹花》

51.

洞户深深掩。笑世间、浓脂腻粉，那般妆点。认取朦胧明月下，不许东风偷飏。
偏触动、词人系念。昨日微阴今日雨，好春光有限无馀欠。肯为我，一时暂。
冰绡雾縠谁烘染？爱依依、柔条照水，靓妆清艳。墙角绿阴栏外影，印上芸窗冰簟。
隔一片、清阴暗澹。不是封姨情太薄，是盈盈树底魂难忏。春欲暮，易生感。
——顾太清《金缕曲·咏白海棠》

52.

巴陵二月客添衣，草草杯觞恨醉迟。燕子不禁连夜雨，海棠犹待老夫诗。
。天翻地覆伤春色，齿豁头童祝圣时。白竹篱前湖海阔，茫茫身世两堪

悲。——陈与义《雨中对酒庭下海棠经雨不谢》

53.

春晚午景迟，气暄困妍姿。乘酣意纵放，霞裾半纷披。晨起露风清，肃肃争自持。相对默无语，含羞畏人知。——李复《庭下牡丹》

54.

不知樱树春能早，便把樱花作杏花。——李梦阳《新买东庄宾友携酒往看十绝句·其一》

55.

金鸭香消欲断魂，梨花春雨掩重门。欲知别后相思意，回看罗衣积泪痕。——戴叔伦《春怨》

56.

节候初临谷雨期，满天风日助芳菲。生来已占妙香国，开处全烘直指衣。揽照尽教乌帽重，放歌须遣羽觞飞。前驺不用传呼宠，待与游人一路归。——蔡襄《十八日陪提刑郎中吉祥院看牡丹》

57.

枝间新绿一重重，小蕾深藏数点红。爱惜芳心莫轻吐，且教桃李闹春风。——元好问《同儿辈赋未开海棠》

58.桃花春色暖先开，明媚谁人不看来。——周朴《桃花》

59.隔岸桃花红未半，枝头已有蜂儿乱。——王安石《渔家傲·梦中作》

60.

名花倾国两相欢，长得君王带笑看。解释春风无限恨，沉香亭北倚栏杆。——李白《清平调·其三》

61.

春坞桃花发，多将野客游。日西殊未散，看望酒缸头。——张籍《和韦开州盛山十二首·桃坞》

62.

海边佳树生奇彩，知是仙山取得栽。琼蕊籍中闻阆苑，紫芝图上见蓬莱。
浅深芳萼通宵换，委积红英报晓开。寄语春园百花道，莫争颜色泛金杯。
——李绅《海棠》

63.

谷雨如丝复似尘，煮瓶浮蜡正尝新。牡丹破萼樱桃熟，未许飞花减却春。
——范成大《四时田园杂兴》

64.石门流水遍桃花，我亦曾到秦人家。——李白《下途归石门旧居》

65.桃花开尽叶初绿，燕子飞来体自便。——苏辙《寒食前一日寄子瞻》

66.樱花已熟酴醾放，春去虽忙意尚夸。——卷刚中《晚春有感》

67.桃花净尽杏花空，开落年年约略同；——唐寅《落花诗》

68.

宜烟宜雨又宜风，拂水藏村复间松。移得萧骚从远寺，洗来疏净见前峰。
侵阶藓拆春芽迸，绕径莎微夏荫浓。无赖杏花多意绪，数枝穿翠好相容。
——郑谷《竹》

69.

樱桃千万枝，照耀如雪天。王孙宴其下，隔水疑神仙。宿露发清香，初阳动暄妍。
妖姬满鬓插，酒客折枝传。同此赏芳月，几人有华筵。杯行勿遽辞，好醉逸三年。
——刘禹锡《和乐天宴李美周中丞宅赏樱桃花》

70.

雨歇杨林东渡头，永和三日荡轻舟。故人家在桃花岸，直到门前溪水流。
——常建《三日寻李九庄》

71.

迷蝶无踪晓梦沉，寒香深闭小庭心。欲知湖上春多少，但看楼前柳浅深。
愁自遣，酒孤斟。一帘芳景燕同吟。杏花宜带斜阳看，几阵东风晚又

阴。——吴文英《思佳客·迷蝶无踪晓梦沉》

72.

篱落疏疏一径深，树头花落未成荫。儿童急走追黄蝶，飞入菜花无处寻。
。——杨万里《宿新市徐公店》

73.

古木阴中系短篷，杖藜扶我过桥东。沾衣欲湿杏花雨，吹面不寒杨柳风。
。——释志南《绝句》

74.

兰佩蓉裳骨相寒，山中何日鼎成丹。春深富贵花如此，一笑尊前醉眼看。
。——谢枋得《牡丹诗》

75.今日春光君不见，杏花零落寺门前。——张籍《哭孟寂》

76.

松下柴扉茅屋，篱边竹径清溪。菜花蝴蝶一色，野雀山鸡乱啼。——方氏《田家乐》

77.

燕子衔春已几时，嫣然未见茜红枝。天开锦幄烘晴昼，着力东风一夜吹。
。——姚勉《催海棠》

78.莫怪杏园憔悴去，满城多少插花人。——杜牧《杏园》

79.

红杏西娄树，过墙无数花。相烦问春色，端的属谁家。——宋无《墙头杏花》

80.杨柳风柔，海棠月澹，独自倚阑时。——萨都刺《小阑干》

本文链接：<https://duanjuziku.com/duanjuzi/f5gaw7jkhp.html>